

hier doen en dat wij oer na
 moghen volghē v groote oer
 moedicheit en dat wij lyd sa
 moete wesen in allen dat ons
 ou roemt en die gracie ende
 consolac goods lanmoedelit
 moghē wachte **O**p dat wij na
 desen leuen lieue heilighe va
 der ons moghē verbliden ee
 welc in onsen leuen hee ihm
 xpm **Amest Van sinte pie**

O Glorioso **ter apostel**
 waerde heilighe apostel
sinte peter die vā onsen lieue
 heere verroren sint en ghema
 ket een prediken des woordes
 goods **O**h sint een harder der
 scapen een prins d'apostelen
 en een stoteldragh des ewighe
 leuens **O**h en hebt v niet ont
 sien om d'winnē goods te lide

honger en dorst tribulacie p
secucie en veel meer and' ar
moede en ten lesten om der
minen ons heere ihu xpi so
hebdi gheleden den bitteren
doot **D**om o gloriose heilighe
apostel so heeft hi v vheuen
in sin ewighe rijck en heeft
v ghecroont mit een gouwe
croon die nimmer wgaen
en sal **D**u goediere heilighe
petre die v vbljyt in die ee
wighe glorie v so bidden ton
oetmoedelic dat ghi oumits
d' gien en d' machte die v ghe
gheuen is ons ontbindē wilt
van al onsen sonden en onse
hertē besten in d' minne ons
liefs heeren en ons vā alle
toecomenden sonde beware

Oec so bidden wy wtürzen
 heilighe apostel dat ghi onse
 ouders en al onse vrienden
 die doot syn wilt op doen die
 poorte des ewighe leues op
 dat si oumits v heilighe ver
 dienre van allen pñe vlost
 werden en die ewighe bly
 scap besitten moeten mit al
 den heilighen **En** lieue heili
 ghe pñis d'apostelen oec be
 gheren wy van v **Als** ons lie
 ue hee ons vā desen leue wil
 roepen dat ghi dan oec ons
 uwe dienres goedieren wilt
 roesen en doen ons op die doe
 re d'ewigh' glorien op dat wy
 onsen lieue hee ewelic danke
 en louemoghen met v sond'
 eynde **Amen** **Wā S' Andries**